

趙恭毅公自治官書類集

趙恭毅公自治官書卷之二 二目次

長沙何祖桂蒐輯

牌檄

禮政類

飭發循環簿訪查劣衿檄

飭查優劣檄

查士子優劣檄

禁教官需索生童檄

飭查長沙學教官不傳集士子聽講 聖諭檄

通飭宣講 上諭檄

飭碑文列名檄

禁違例阻考檄

查長沙府考棚檄

委查學道考弊檄

飭取紅案冊檄

查鬼接頭諸名色檄

飭將永衡改爲考場檄

汰革樂舞生檄

駁張應璞匿喪入

駁武童趙學成病故檄

駁查沅州出示捏稱督院具題營童准考檄

議設石鼓書院義學檄

飭衡武二縣修誌檄

查陶公祠業檄

飭查屈賈等祠基址檄

飭修真西山祠檄

兵政類

委張叅議撫苗檄

飭張叅議張示諭苗檄

飭張叅議犒賚紅苗檄

議撫苗糧餉捐俸抵補檄

行司會飭土司混詳檄

給投誠黃珍免死牌

飭禁驛站積弊檄

嚴革驛站陋規檄

通飭詳驗各置一封檄

飭門軍散役工食檄

查衡州協虛兵冒餉檄

刑政類

飭聽訟枉法檄

飭庇縱貪官徇擱檄

查拿棍徒招搖檄

飭查李廣生妄談政務檄

禁司道府縣濫差檄

飭藩司差役不遵報查檄

飭查禁獄檄

飭查監獄淹禁檄

嚴飭命盜重案依限審解檄

飭查糧道家人梁二畧賈檄

飭查梁允文結黨拒官檄

飭查安化縣民聚衆搶穀檄

催姚之禧命案解審遲延檄

查緝寧署令接審命案遲延檄

駁譚越萬等命案檄

駁趙世先招詳互異檄

飭拿畢教官被竊盜駐檄

飭開報獲盜起駐檄

催捕役熊芳等發遣檄

查船隻奸宄檄

飭停訟緩徵檄

工政類

飭修岳陽樓檄

飭各衛建立碑亭檄

飭改碑亭檄

飭查 御書樓工費檄

飭查南巡等案動項檄

催桂陽縣抗解捐項檄

禁大湊山偷挖檄

趙恭毅公自治官書類集卷之十二

長沙何祖柱蒐輯

牌敬

禮政類

飭發循環簿訪查劣衿敬

爲飭發循環印簿以查劣衿以懲惡習事照得士爲四
民之首名列賢官群推儒雅自應悉心舉業爭自濯磨
以圖進取雖未必盡能飛騰遠大而閉戶窮經無虧行
止亦不失爲學問中人乃湖南文武生員矢志潛脩者

恒或有之而踰閑好事者亦復不少借衣頂爲護身之符視衙門爲漁利之地肆行出入包攬把持全無顧忌甚至數士成群挾制官長呵叱公庭誠

國法之不容旁貸者矣前奉都院下車伊始卽稔悉頑風因志切作人姑寬已往惟通飭各學教官耳提面誨以興改過自新第恐相沿積習仍有出入無忌者亦未可知今行發簿飭填爲此牌仰該州縣官吏卽將發來循環印簿二本收存如遇有文武生員擅入衙門者卽查該生姓名於某月日係何事故據實登填簿內每於

季終中繳循去環來以憑按平之輕重分別黜陟倘若
畏勢徇情隱諱不填一有訪聞或經台察定卽將該員
以罷軟溺職指叅亦不得懷挾私忿妄行填註仍出示
曉諭務使諸生凜遵法紀毋致自貽伊戚

飭查優劣條

爲飭查各衿優劣分別勸懲以勵人才以端士習事照
得各學教官秉司鐸之任在庠諸生成仰裁成表率大
則立身砥行小則講藝論文若能時加傳集甄別在醇
脩之士考德問業固有日新之慶卽頑劣之徒爲師長
之督責同學之觀摩未有不目振勵者其中間有一二
此心難革然亦知有畏憚羞愧而不至於躍冶踰閑斯
不厯教職之名義者也乃本都院抵任以來檢查積案
每多文武生員把持衙門挾制官長或包攬錢糧唆撻

詞訟種種劣蹟難以枚舉甚至肆行無忌無法無天身
罹法網殊可痛哉不知教官平日所司何事既不能防
俗移風又不能查出預先申報如果漫無覺察則尸位
貽羞抑誤視縱容則徇庇難追均乖職守除已往不究
外爲此仰提學道官吏即便轉行各學教官亟宜悉心
訓迪時勤稽考除循分自守者不必開列外如有前項
劣矜卽將行過事蹟填註冊內倘有學問優通品行超
邁者亦將事寔詳晰開陳務各至公至明毋任好惡偏
私按季彙冊徑報本都院查覈以憑分別獎勸黜寃若

填報失寔及瞻徇隱庇者後經本生有犯定將該學教
官一併叅處本都院素性徑執言出必行均宜凜遵先
取具各教官遵依報查

查士子優劣概

爲嚴查優劣以端士習以安地方事照得士子身列黉
宮自應恪守階碑欽遵

御製戒飭文罔違法紀庶不貽羞學校今湖南各學生
員武生矢志潛脩者固或有人而踰閑好事者亦復不
少往往僭衣頂爲護符視衙門爲利藪肆行出入包攬
把持甚至結黨成群挾制官長興滅詞訟欺害鄉愚無
所不至良由學道考試該屬教官竟不實心查察舉報
遂使不肖劣衿得以公然無忌明係各學教官通同隱

敝該提調官漫無覺察亦不據實查詳殊干

功令合行嚴查爲此仰提學道官吏照文事理即便轉飭所屬州縣各教官嚴查生員武生內如果有修名自好無規行止者卽行報明該道聽候獎賞其毀方躍冶前項劣跡訪聞確寔者亦卽據實詳報該道聽候褫革依律治罪仍將優劣各姓名具詳本都院衙門備查倘敢仍前通同容隱徇私廢公一經告發或訪察得寔定將該府州縣教官列揭詳參毋得玩違致干未便

禁教官需索生童楸

爲申飭事照得教官之設專司訓迪爲多士楷模凡處心接物務宜恬淡寡慾庶不失乎斯文之體茲本都院下車以來訪得楚南各教官每遇童生入學卽需索不已而學書門斗亦簪簪無厭稍不遂意非門斗踵至則教官親臨與馬人夫登時畢集供應更甚至於歲科補廩又稱各項陋規多方掊勒必俟滿慾方始申詳輒輒寒士寧堪種種誅求爲此仰提學道官吏即便通行各學教官嗣後亟宜自重毋得仍前濫索致乖師範倘怙

終不悞本都院一有訪聞定行叅究仍先取具遵依報
查

飭查長沙學教官不傳集士子聽講 聖諭檄

爲飭查師生遊玩以彰法紀事照得學校爲明倫之地
士習爲風俗之先案准 禮部咨爲恭奉

實訓戒飭費官事內開頒發

御製訓飭士子文一道當經前院通飭各學令傳集諸
生多方董勸講解在案是以本都院欽遵

御製教條每逢朔望先期示諭各學教官傳集士子齊
赴聽講無非欲興行教化以仰副

皇上作育人才至意茲於本年九月初一日牌示宣講

而長沙縣學生員竟無一人聽講殊屬藐玩合行查究
爲此示仰長沙府官吏照文事理即便嚴查長沙縣學
教官因何不傳集士子至期聽講併該學各廩生因何
不遵

聖訓前赴聽講立即訊明詳報以憑核奪毋得遲違速
速

通飭宣講 上諭檄

爲通飭恭講

上諭以宣

聖化以淑人心事照得風俗之淳厚在教化之振興是以開導愚蒙勤勉董率長民者之責也欽惟

上諭十大條義蘊宏深訓詞周至本末兼該勸誡脩舉果能恪謹遵循何難化行俗美湖南地僻人澆士習民風始不可問本都院奉

命來撫茲土深愧德涼力薄未能速挽波靡且幅幘遼

濶無出家喻戶曉惟仰藉

聖訓煌煌發聾振聵各該地方官自宜恭奉宣講剴切
敷揚庶幾歲月漸摩人思向善合行通飭該司即預行
該道暨府州縣衛印官每月朔望遍傳紳士軍民齊集
寬敞公所選擇通曉文義聲音响亮者恭捧

上諭對衆宣講廣教維風寔有賴焉至本都院駐扎處
所每逢朔望卽躬率司道以下各官畢赴公所行禮督
講爲各屬倡該司仍飭長善二縣屆期恪謹行禮不得
視爲具文致干鯁職均速遵照毋違

飭碑文列名檄

爲欽奉

上諭事爲照本都院奉

命節鉞湖南仰蒙

皇上軫念邊徼民瘼特降

綸音坐名誥誡不惟是草野荷生成之德亦足徵

君臣慶喜起之休本都院祇承欽遵勉思報稱仍令所

屬府州縣建置

諭旨碑亭誠欲使各官凜守萬民瞻頌俾

聖德光被湖南永垂千古該縣鐫刻碑文自應遵照

諭旨書列本都院之名以昭

君前臣名之義今碑文未曾列名殊屬不合所有鑿刻
合行發回卽將碑文刊名送驗庶明本都院敬其之意
毋違

禁遺例阻考檄

爲嚴查阻考陋習以拔孤寒事照得童子一試乃士子
進身之始冒籍倖考定例固有明禁但入籍二十年
果有墳墓出宅者卽准其一體考試近訪各屬有一班
劣衿藉端圖利每遇歲科二考將入籍數十餘年之人
雖墳墓田宅久已合例家無青衿目之曰破天荒需索
不遂卽結黨阻抑使白屋寒童求名無路深可痛恨合
行嚴查飭禁嗣後務遵定例果係入籍二十年以上
墳墓田宅俱有的據並無遺碍者由廩生認識保結卽

淮收考倘有劣棍不遵定例將合例之人家無青衿妄
指破天荒名色串黨索詐阻抑孤寒不容上達卽指名
詳報以憑提究仍取各屬遵依報查毋違

查長沙府考棚節

爲飭查考試署基事照得文衡考試爲

朝廷儲才鉅典各府俱有衙門棚廠茲查長沙府考試
俱在府學豈以南楚會城竟無試士衙門甚非所以彰
國制而重 大典也合行飭查爲此仰府官吏卽查該
府考試衙門舊在何處歷屆考試因何俱在府學現在
有無衙門基址因何不行脩葺迅卽查明詳報以憑核
奪此係該府守土之事慎勿泛視致干未便

委查學道考弊檄

爲委員查察以清積弊事照得學道考試弊竇多端內而書辦舞弊外而皂快交通兼且提調各官以及州縣并教職巡捕等員每藉調見名色得錢說情或具稟函外用官封投遞若不嚴行查察必致賄賂公行真才遭棄今提學道考長沙將竣不日往試衡屬合行飭委爲此仰桂陽州鄒縣官吏照文事理文到立即星赴衡州府如學道考試該州縣即便嚴查前項諸弊不許員役無事稟見其某日何員謁見何役稟話某日考試某州

縣生童俱於兩日一具文報明以憑核查若有封口書
函公文一槩不許擅投該州縣務須秉公稽察盡除積
弊如敢通同欺隱一經訪實定行一併嚴拏斷不寬貸

飭取紅案冊檄

爲嚴飭速發紅案以遵

功令以肅學政事照得考試例有紅案自應於試畢之日卽行脩造頒發該府州轉給該學官存案庶可以杜弊源而明職守乃近來考試各府州竟不將紅案於考試之處卽行頒給惟任經承遲留或數月或一年不等藉端招搖內外舞弊添換姓名倒提等第紅案一日不發則弊端一日不絕畱此不了之局以取源源之利殊屬違禁爲此通行嚴飭嗣後凡考試一處卽將取准文

武各生等第以及點名不到緣事遊學患病告給各項
井文武新生名次務於發案之日卽督令經承營造紅
案試畢飭發提調衙門抄膳轉給各該學遵照該道將
一面發過日期呈報本都院查核該道方可起程另考
如敢仍前縱聽經承將紅案掌握遲留希圖倒提添換
等弊除提玩法經承重究外該道亦不得另考別處提
調官通同放過一併嚴叅先具遵依報查

查鬼接頭諸名色檄

爲通行飭查事照得湖廣省各學生員武生鬼接頭飛
過海及附案諸名色已經前任督部院郭 題請嚴禁
通飭所屬欽遵在案今據湖南布按二司會詳茶陵州
生員譚若禮同頂德安府安陸縣撥籍鬼名審擬該生
自認飛過海秀才等情是茶陵一州現有告發之案此
外扶同隱諱不知凡幾今本都院帶理學院印務所有
湖南各學前項冒濫名色自應清查合行通飭爲此仰
府州官吏照文事理即便通行所屬嚴查各該學生員

武生如有前項鬼接頭飛過海附案諸名色立即詳請
咨革如有前項名色取具各該學教官並無徇隱印結
詳實毋得視為泛常仍前徇隱不舉自干叅處速速

飭將永衛改爲考場檄

爲嚴查事爲查設立義學原爲作育人才昨本都院會同道府廳縣親查義學偏近唐遊擊衙署之右該遊擊築牆圍住堵絕往來近雖推倒形迹現在且將義學頭門鎖閉及詢取鑰匙堅稱並無必不肯開隨令該遊擊自行扭開鎖鑰雖無人住但既築圍牆又行鎖閉是該遊擊之意必欲得此以爲外宅矣今既拆倒開門自應速行脩葺以便士子肄業至該遊擊所佔永衛衙門既稱現在遵限遷移查據生員張旋等稟稱每逢學道按

臨俱在濠溪書院考試地方窄隘生童擁擠不堪今永
衡既經退出應如諸生所請卽改爲考場以免生童擁
擠之苦合亟飭行爲此仰衡永郴道官吏照文事理卽
便轉飭永州府將府進擊退出久佔衙門速行脩理改
作考場毋得遲延併不得借端派費擾累小民仍將脩
完改作考場之處具詳通報以憑查核均毋遲違未便
速速

汰革樂舞生檄

爲嚴汰冒濫無裒

大典事照得樂舞生一項原以脩極聲音尊崇享祀誠爲不可缺少然必慎選其人果係身家無礙行止無虧取有里隣結狀由縣府轉詳批允始得列名贊序効力趨踰上之可沐俎豆之光下之可弘作養之澤今本都院帶理印篆查前院批准各州縣樂舞生湖南共二千餘名並無里隣保結不由府州縣查詳止據本身投呈便給衣頂准克樂舞有三四十名而共一呈者有一日

而批數十呈者有一學而准八九十名者此二千餘名
果否身家無礙是否行止無虧俱未可定倘有不肖之
徒或刑喪過犯或隸卒優媚巧計夤緣廁身學校殊爲
賁慢

聖賢貽羞禮法且湖南劣衿不法屢據各屬申詳及准
撫都院咨移歷歷有案今又添此二千餘人濫竊頂帶
抗禮公庭包攬錢糧起滅詞訟武斷鄉曲婪詐賍私極
其所爲何所不至况考試所不及既是鉄頂銅衣刑法
所不加直任狼奔豕突其爲流弊奚可勝言再查前院

底冊有一呈而止列某人等不知其若干亦有一名而兩學俱雷同不知其孰是可見 前院原未稽核惟范經承朦混合行查汰爲此仰府州官吏照文事理轉行所屬該學除長沙府學王嘉譽寧鄉縣學湯志任華容縣學白之坤黔陽縣學周紹且因覆試岐誤准給樂舞已由府縣考取廩保出結應照舊存案外其餘 前院任內批准樂舞生盡行汰革併開造清冊將批呈一併具詳送驗該府州仍報明撫都院存案嗣後毋得冒稱樂舞生名目生事取咎如該學敢賄漏一名及故意違

延除提學書重究外併提該州經承究責不貸該府州
仍轉飭各屬留心體訪果有身家無碍行止無虧堪克
樂舞者卽取里隣甘結地方官申詳該府州核轉候
新學院批示以褒祀典毋任經胥措索致干察究

駁張應璞匿喪入學檄

爲六考四例等事據提舉道詳覆周宣仁控告黃文憲
索銀未遂攻出一案緣由到院隨批周宣仁之控一在
黃文憲之控周宣仁而保其弟黃文聰一在善化縣之
先詳直仁則稱無缺額可補再詳張應璞則稱病故新
生黃文湛可補二者俱當嚴究然黃文憲之保其弟猶
曰得相容隱卽善化縣之偏補張應璞今周宣仁已經
續進亦可置勿論惟是善化縣請復張應璞之詳止稱
其住居長沙上年在善應試何以並不言其原籍長沙

冒籍善化原詳前署院混請補額且查張應璞爲善化
廩生張承煊之親子而假雜與長沙生員張承煜爲關
子據黃文憲供張承煊妻故兒子服中考不得就把兒
子頂張承煜之子應考是張應璞以長沙之張承煜爲
父而仍考善化其冒籍之犯猶輕欲考善化而反不以
善化之張承煊爲父其匿喪之情甚重善化縣藉此情
由朦詳請銷是誠何心仰提張應璞黃文憲究明是否
匿喪應否補額如黃文憲前供是虛卽應反坐黜革併
提善化縣朦詳混請之經承訊明報奪繳印發去後至

今未據該道詳覆查康熙四十八年十月內據善化縣
縣生員張永煒呈控黃文憲詞內稱將煒姪張應璞誣
爲長籍等情隨批善化縣審詳解院當批據詳原籍長
沙委難移易而張應璞繼與張永煒又係長沙學生員
切察混考在案今查善化縣教諭譚仙芝資到格冊內
開張應璞曾祖衍慶祖朝祿父承煒張應璞應考之時
頂名旣以張承煒爲父因何進學之後格冊又以張承
煒爲父今以張承煒爲父公然入冊則前不以張承煒
爲父明係匿喪若云格冊係學胥代填則學胥何以知

新生之父係何名且何以知新生之曾祖與祖係何名
所有格冊合行駁查爲此仰長沙府官吏照文事理卽
將發來格冊查明張應璫之父張承煥張承煜因何前
後互異澈究情弊據實定案毋得瞻徇游移致干未便
先將格冊具文報查毋違

駁武童趙學成病故檄

爲稟明事據該學道呈稱武童趙學成覆試之日該教官稟稱抱病未來本道恐係規避飭令搵來面試該童立就一策文既明通字復端楷等語隨查該童前據生員丁用有等呈伊不通富檄常同知解訊去後於二月三十日該同知呈報學成病故伊父趙名高解訊查二月初五日奉本都院檄提因何卽於十一日忽報病故伊父趙名高又經逃走明係詐死情弊今據該道呈稱覆試之日搵來面試立就一策既係抱病何以立就既

能立就何爲抱病明係倩代應試該道聽其朦蔽更屬
情弊顯然合行駁飭爲此仰提學道官吏照文事理卽
將武董趙學成甫奉檄提因何忽報病故併查生員趙
名高既經解訊何故中途脫逃又武庫一缺與廩生何
涉而潘大年稟求補額該道身爲學政與潘大年有何
交結而出聽大年稟求卽爲補額一併據實詳報以憑
察究毋得遲延支飾大干未便

駁查沅州出示捏稱督院具題營童准考檄

爲遣例冒考等事據該府呈詳沅州楊鳳廷解訊緣由
到院查該府原未訊取楊光緒口供何惡定案明係有
心朦混本都院查訊楊鳳廷又據楊光緒等隨同經承
候訊併將沅州用印硃標告示呈驗查該州告示爲曉
諭事內開營童應考在有志觀光等事案內奉本府正
堂遵 牌開奉 督學院憲牌准 總督部院咨開緣由
具 題各營弁兵子弟准其應考通行各府州縣在案
等語查該府前詳據沅州四覆並無具 題之案今閱

告示內明有具題字樣所有示內奉該府轉奉各衙門牌文合行飭取查驗爲此仰辰州府官吏照文事理卽將示內所開奉本府牌轉奉提督學院准總督部院咨開具題各營弁兵子弟准其應考通行各府州縣之文速行飭取詳實查驗如無原文卽將捏造具題職名併上司失察職名詳叅其混詳並無具題之示該府胆玩經承一併解究毋得遲違致干差提速速

議設石鼓書院義學啟

爲遵行設立義學事查石鼓書院原係儒生執經講藝之所近來地方官不能留心文教以致名勝遺蹟率皆荒廢本都院前經其地登臨瞻眺目擊講學之區猥作緇流常住不勝慨嘆奈久無人看管故諭令衡陽學訓導吳炯移署於此俾薪木無傷興復有待旋據該府張通判於書院樓前之西偏延師課士而室宇狹隘所容無幾若使地方官果能加意作人則此處應還書院舊規而訓導亦自可仍歸原署該府若以學署改爲別用

則訓導竟無可歸是書院長爲學署雖不作僧舍而作衙門亦大非創立書院之初心矣爲此仰府官吏照文事理卽查張通判既於書院延師課士其西偏房屋可容生徒若干人如更需書舍應作何擴充至該府義學應否另行建立訓導學署應不照舊存留速議詳奪毋得遲違

飭衡武二縣修誌檄

爲飭催事案照湖南所屬州縣衛誌書俱經布政司查
取彙賫到院其該府之衡陽武陵據稱係附郭之邑其
山川人物統入郡誌並未有縣誌本都院披閱湖南附
郭之邑俱各有誌而該府首邑抱此缺典合行飭催卽
便選擇名儒考訂編輯俾郡乘邑誌井然可觀斯亦良
有司事也毋得視爲浮泛不急致滋玩泄干咎速速

查陶公祠業概

爲查覆事爲查陶公祠旁田塘舖基茅屋既係官地因何民人展轉售賣得價何物易某竟行踞占合行飭查爲此仰善化縣官吏照文事理卽查陶公祠左右前後田塘舖基茅屋既係官地因何民人展轉出賣得價易某因何擅踞管業收租併前項租銀俱歸何人侵用又完銀米在何里甲速查詳報以憑核奪

飭查屈賈等祠基址檄

爲飭查祀典以崇名教以維風化事照得節義理學垂芳軌於千秋而俎豆烝嘗慰幽靈於百世此令名之所以不朽而大典之所以難湮也查長沙府志祀典如屈賈祠真西山祠陶公祠周蔡二公祠其基址坐落何處祠宇果否無恙至若忠節祠者乃宋贈端明殿大學士知潭州忠節李公諱芾殉難之處而劉公祠者乃明贈太僕寺卿巡按湖南監察御史忠義劉公諱熙盡節之所今祠基因何被占祀事因何不修若使前賢血食之

區竟成瓦礫而徃代褒忠之地盡沒市廛甚非所以彰
國典而勵人心也爲此仰善化縣官吏卽查該縣境內
屈賈祠真西山祠周蔡二忠祠忠節祠劉公祠現在有
無祠宇其基址被何人侵奪春秋二祭是否舉行逐一
確查明白詳報至本月初八日戊祭該縣務必委官親
詣奠享或故址一時難以開復者卽擇附近閑空處所
搭廠設位暫舉祀禮徐圖修建以妥忠魂此係守土之
事慎勿視爲緩務有負
朝廷崇重祀典之意毋違

飭脩真西山祠散

爲昔賢遺愛在人祠宇亟宜興復飭行查議重建以崇
祀典事案查長沙府志宋嘉定中真西山守潭州多惠
政士民特祠祀之今廢於兵火其址屬善化縣十三舖
南門內等語昭然可考本都院念西山爲理學名儒守
渾嘉績又班班史乘而世遠祠荒莫爲過問春秋祀典
僅列空名殊非

聖朝崇德報功之意隨飭善化縣按志清查遺址并率
同司道廳縣親詣相視止見郡城南隄民房一棟雜奉

無名之主而西山神位混列其間詢其來由乃一營卒
見木主暴露而進之於此不惟地方湫隘而且牌位紛
稠褻瀆不堪本都院目擊心傷深爲守土者訾焉合卽
擇地改建設法場工查有長沙府學西偏隙地可建數
楹且賢祠依附

聖宮人地相宜看守亦便合亟飭查爲此仰布政司官
交照牌事理卽飭善化縣立赴長沙府學西偏帶齊工
匠量勘基址應得廣袤若干作何規模起造併確估工
料需費若干脩細開報該司卽移按察司將龍靈侮法

案內斷追姜守出息銀兩迅檄永州府批差解院以憑
給發物料工價尅日興工俟工成之日另行諭旨奉主
入祠庶俾其棠長在俎豆重光事關祀典毋稍玩延

兵政類

委張崇議撫苗獫

爲仰體

聖主好生之德等事查撫苗事關重大得人方可勝任
合行亟委爲此牌仰該道賈頒示諭輕騎前往鎮筸地
方傳諭紅苗各寨人等我邊民被苗擾害久矣今

皇上聖德神功函天蓋地威行絕域恩施遐荒茲茲苗
無知妄動何難興一旅之師滅此朝食但本都院與
督部院提督總鎮共體

聖朝不殺之仁爲該苗開一生路擔承撫局暫緩兵臨
該道老成練達素諳機宜一到苗境卽先遣嚮導資捧
諭檄遍傳各寨招出苗人頭目宣示

皇上德威及各上憲開誠布公之意曉以利害許以生
全倘該苗真心就撫赴該道投冊報名輸誠立誓便將
好言勸慰詢問疾苦併就近體訪輿情相度形勢作何
永遠利便其永保二土司可否責令擔承務必籌畫萬
全刻卽星馳飛報以憑本都院會商督部院親臨安撫
面加犒賞申明約束酌核善後事宜合疏 題報請

旨施行此番招撫須要認真着實慎毋草率竣事掩飾
目前庶幾仰仗

皇上威靈克有成效既免一方血刃之慘亦息三軍汗
馬之勞文告格頒厥功匪細該道世受

國恩正可及時報効如其負隅梗化甘心俘戮或游移
挾詐假意投誠亦卽飛報情形以便請兵合剿引領望
切毋負委任

飭張叅議張示諭苗墩

爲仰體

聖主好生之德等事照得撫諭頑苗非才不克本都院
會同督部院遴選該道賈檄前往業經牌委飭遵外但
該苗散處箐谷烏合無統且邇來官弁因循奸徒勾通
狡獪情偽難知本都院雖曾親歷邊疆採訪大槩朕今
日亦止就所見聞原情遙揣至其中虛實機宜豈能預
決於數千里之外是在該道臨時籌度相機而行務出
萬全方副委任故不憚丁寧再爲申飭又苗寨甚多督

部院與本都院諭檄除續發張掛外仍各刊刻四百餘
紙以便多携遍傳該道速卽輕裝星赴邇帶幹員會同
提督遴委將弁前往鎮筸地方卽移會總鎮訂商妥協
偕臨苗境先將發來繕檄張掛近苗村哨各處隨遣鄉
導熟苗多給刊檄責令持賫遍傳寨崗務使周知如該
苗果能真心就撫推出頭目軟誓投誠該道卽遵照前
檄委曲曉諭示以利害結以恩信俾其脫鋒刃而就生
全併相度情形籌畫事宜星飛通報督部院暨本都院
以憑會商親臨安撫此番舉動擔荷匪輕上汰

聖主德威下藉該道賢勞毋貪僥倖近功毋循塗飾故
事毋爲築舍道傍毋同秦越肥瘠倘獲成效績有攸歸
努力此行翹首切望其永保二司距簞甚遙現移咨督
部院該道仍候另檄遵行毋違

飭張叅議犒賚紅苗倣

爲飭知事照得蠶苗頭梗罪應勦戮但督部院與本都
院仰體

皇上如天好生之心姑開一面特委該道賚倣前往招
撫赦其既往許以自新今蠶苗果能歸誠剃髮編入版
圖則悔悟向化殊爲可嘉宜加犒賚以廣

聖主柔遠之恩惟是犒費未便預計而賚帶跋涉亦屬
艱難已據各司道面同商酌莫如就近提取附近州縣
暫爲應用以省往返煩勞俟本都院設法補還決不累

該州縣決不累該道併傳諭該苗各頭目候督部院與
本都院臨鎮之日俱來叩見一應事情不妨面稟以憑
酌奪 奏請爲各苗久遠安全之策苗卽吾民毋得疑
畏其遵檄往寨招撫各員弁日兵務宜竭力効忠仰報
朝廷該道仍查明詳報會核 題敕如有未盡事宜該
道卽酌量而行毋得延緩

議撫苗糧餉捐俸抵補徵

爲欽奉

上諭事爲查大兵過往屯駐凡運送採買糧料一切人
夫船食以及軍前不時需用供應等費應先備辦該司
道既稱並無應支存庫錢糧而前項必不可少亦必不
可緩該司道固無點金之術本都院亦徒抱仰屋之嗟
屢詳屢批終無一濟倘有違悞厥咎維均合飭查議卽
便會同在省司道併行知現在之各府州縣速將大兵
各等費約需若干照捐建

御書樓之例康熙四十七年官俸自本都院以下知縣
以上盡行捐出再有不敷應於役食內酌捐若干立即
查明妥議詳奪以憑借支預辦催完抵補毋得刻遲大
有未便

行司會飭土司混詳檄

爲田畝侵隱不清等事據保靖宣慰使呈詳當經本都
院批發在案查六里苗民不服保靖司彈壓者皆由該
土司素行暴虐苛索無已今願歸鎮谿所管輒誠爲出
湯火而登衽席乃該土司以六里無糧之苗民將該管
一十二旗應納三百石秋糧之內抽出加派百端竇詳
妄希魚肉殊不知該土司十二旗共納秋糧三百石並
無六里四旗歷有成案今文內稱割地遺糧不容申辯
殊爲囋語又稱祖宗數百年寸安尺撫之地一旦拱手

與人反受包賠等語查六里苗民前據司道詳稱六里
先係鎮谿所管轄于二十七年改歸保靖今仍歸鎮谿
以清疆界與該土司之祖宗子孫又何與乎又稱卑司
寧耳寸磔勢必拚死叩

開陳情等語但本都院念該土司荒遠愚頑姑未卽請
天誅該土司若自願投獻更有何說又稱歷來奉調攻
勦勤勞無功有苦伏

闕泣陳等語查該土司既受

朝廷世職之榮卽當竭力捐糜亦屬分所當然况前年

奉

旨勅撫紅苗該宣慰並未一履其地其苦安在又稱後
患血吸之語一併呈明夫蠡苗既已就撫奉

旨設官鎮壓且六里苗民于捨歿投光事案內自認襍
糧立戶完納已屬編氓該土司倘敢無知肆擾卽以逆
旨會疏立行殄滅安設流官有何後患該土司不思安
分守職妄聽簧惑種種悖謬殊干法紀本應立即咨會
叅處姑再嚴飭爲此仰布政司官吏照文事理卽便會
同按察司辰沅靖道嚴飭該土司嗣後敢再仍前冒瀆

惟以會疏請

命明正厥辜斷不寬貸毋得玩視愼切愼切

給投誠黃珍免死牌

爲稟報事爲照爾等因原任兩廣吳總督進京遂致落職失所潛匿山僻隨山度活念爾偷生釜底諒亦寢食不安恭逢

皇仁浩蕩

恩詔普頒凡有逃避山林盜賊准其投誠正爾等得依天日咸荷帡幪之期且紅苗梗化

朝廷特遣大臣調集滿漢官兵直逼巢穴有心向化者俱准投誠就撫五百餘寨其頑梗者盡行剿滅諒爾等

亦所共聞今爾等仰慕

聖主恩威具呈歸化具見聞風悔罪之誠本應卽准安
插具疏入告第未親詢確實若一經題明恐爾等反
覆無常又行逃避是爾等以投誠欺本都院而本都院
又據以欺

皇上矣惟是爾等潛匿已久衷懷疑懼若不先給爾等
免死印牌遠行差官提訊不無遠巡畏縮除本都院捐
給銀一百兩并咨請督部院捐銀一百兩檄行宜章縣
宜郴營一面將爾男婦家口好爲安頓并行湖南司道

轉行沿途捐備夫馬口糧給爾前進外合行給牌執照
爲此牌給投誠黃珍卽便酌帶小頭目數名隨同本都
院差官星馳赴轅以憑面詢明確暫住長沙度便具
題至爾等從人中有年力精壯願食名糧者亦卽開明
本都院卽分發營伍食糧不願食糧者或願原籍安插
爲民或願附近湖省各處安插聽從其便小頭目中有
堪委用者卽酌以小職銜委用至於大頭目自必
題請錄用作何准用之處恭候

皇上敕旨遵行可也爾等毋得疑畏遲延未便

飭禁驛站積弊檄

爲嚴除驛站積弊以甦郵困事照得驛站苦累久蒙
聖明洞悉屢行嚴飭司郵政者自宜剔除宿弊按地撥
支以期絡繹輪蹄奔馳無悞乃該屬有驛州縣或不全
坐支將本款實徵銀解道仍令赴道支領者或將州縣
所屬之驛不准支本縣驛站銀兩勒令驛丞赴道請領
者亦有坐支之處按具小批呈道抵兌年終具大批更
換者多一請領抵兌即多一需索勒扣使夫馬待哺之
芻糧半歸於奸蠹肥家之囊橐甚可恨也再查州縣旣

設有買補倒馬銀兩卽應隨倒隨支隨補以資驅策倘或不允開銷何妨再責補解乃必於額銀解道請領再三守候需時然後量給若干卽今四十一年倒馬銀尚多未發試問此倒斃之後已買補乎未買補乎未買補則何不以倒站報奏旣買補則豈真能按圖索驥種種諸弊甚非所以郵郵遞而示澄清也再州縣所屬驛分雖或稱各縣給發遲延請赴道給然該道給發何故不在二月乃不飭州縣之速結而反勒州縣之全解殊非政體合行嚴飭爲此仰道官吏卽將長沙等縣年需夫

馬工料等銀俱於本縣額徵支增支復新墾驛站江濟銀內坐支而湘潭縣之南岬等驛年需夫馬工料等銀俱應先儘本州縣實徵支增支復新墾驛站江濟銀內坐支如有不敷應照衝解冊內徑支各州縣驛站銀協濟其州縣坐支銀數俱令按季詳報該道暨本部院備案俟年終彙入 奏冊報銷不必另起小批赴道抵兌

致滋索扣其倒馬銀兩務令支用隨倒隨補毋得解領擾累賠墊艱難如各驛赴州縣支領錢糧不即給發致有遲悞者立即揭參該道即速責令經承將某縣驛衛

坐支本縣本款銀若干或下剩若干或尚不敷應作何
協濟若干逐一查明造冊呈費毋得故違致累窮隸干
咎未便

飭門軍散役工食檄

爲飭知事據該縣詳議門軍散役工食分作三股各門頭人領其一各門散役領其二則庶幾多寡均平久暫得體等情到院除詳批力役之征古所不廢但散役既出於軍差而又以民快一十六兩九錢六分之工食虛糜於十四名之頭役甚無謂也且門軍止司鎖鑰啟閉不須四名又何用頭役仰將頭役盡行革去卽於散役中遴選十四名常以供役每門二名每名一年給工食銀七兩二錢卽於各屬所解工食內支給共銀一百兩

八錢餘銀六兩一錢六分存俟有閏年分總給爲閏月
工食散役願克者取具認保各結存案如不願克卽令
長善二縣另募有身家的役克當各屬掣貼工食亦解
長善二縣分收給發如有棍徒派索胥役侵扣立拿以
重法究處該府卽行知長善二縣併各屬遵照解支仍
候檄藩司知照至王清瑞所稱賣油的舊例出入打油
一盞有無此事該縣府何以並不訊明又供每年工食
銀兩布政司兵房每兩抽扣一錢府兵房每兩抽扣五
分該府雖訊據文孝保供並沒有這話何以不令王清

瑞質証有無均屬革率該府速提訊門役因何於賣油
的出入索油一盞併王清瑞文孝保質訊抽扣工食之
兵房是何姓名卽行嚴訊解究毋得徇延

查衡州協虛兵冒餉檄

爲飭查事照得營伍兵馬上領

朝廷錢糧下資地方守衛不容稍有虛冒該協駐防同
城本都院屢行查詢據稱俱係實在今都院奉

旨查看水路道經衡州傳集各兵校閱馬步戰守內虛
冒甚多一協如此各協不無同弊所有該協馬步戰守
兵丁虛冒若干據實開報毋得欺隱捏飾如果並無虛
冒出具日後發覺印結呈齎核奪毋違

刑政類

飭聽訟枉法檄

爲嚴飭枉法以除民害事照得

國家設官分職統理斯民則民間一切詞訟莫非地方官所經營卽莫非地方官所當公平而聽斷也乃有不肖官吏或利慾薰心是非顛倒或矜棍穿鼻出入失宜竟使辨冤訴枉之門反爲泣血吞聲之地不思

朝廷授我以官職假我以威福卽平心推鞠秉公問擬猶恐曲直未悉其情刑罰不得其當何況納賄到手祇

知自糴而不畏青天線索由人顛改心肝而同憐皮肉
此等無良忝居民牧清夜自揣何異禦人况冤孽之錢
豈能享用慘酷之報不保身家卽如安仁縣聽商賄囑
刑斃無辜已經特疏叅拿又如衡陽縣受賄不究真命
將屍親隣佑作作徧行夾打又復枷示寧鄉縣矜盜把
持請命不報及奉發審俱經委官檢審得實現在發司
招擬詳叅屈法終難逃法害人適以自害詎非目前之
明鑒乎第恐懸不畏死到底執迷虐政殃民殊可痛恨
合行嚴飭爲此牌仰按察司官吏照牌事理卽便移行

道府聽州縣衙凡理民間詞訟務須虛公審察毋有遁
情叅酌律例歸於至當總使受者不冤聽者不愧斯得
理法之平可期明允之效如其納包苴而任顛倒勾棍
惡而弄若叅以鑿楚爲招賄之具以刻薄爲濟貪之才
該司一有訪聞立即揭報以憑叅拏倘或遁同徇庇卽
以失察併糾自簡具在無悔噬臍慎之

飭底縱貪官狗摺檄

爲嚴飭底延以懲貪墨以肅官方事照得察吏必先懲貪而懲貪必先自近湖南私派成風小民苦累本都院下車之始據各里民紛紛控告雖不可勝誅而事情重大者不得不量行批查以見派累之積習未除而

聖明之洞鑒非遠如新寧縣陳以儒一件違禁濫派事攸縣歐慶安一件訪救貪虐事平江縣李億等一件係陳時弊事俱於五月初七日批該司嚴查又瀏陽縣江子魁等一件矜竊并權事於七月初二日據瀏陽縣詳

批該司查審各在案內惟李億一案該司據署岳州府詳轉詳到院多有未協批該司會同驛糧道嚴加確訊雖未據覆然僅四十日耳而陳以儒一案批發已將五月至今並無隻字回覆不知司承作何埋沒至如歐庚安一案行催數次延至本月十七日始據該司呈據長沙府回稱因奉委往獄前月回長行縣嚴提尚未解到俯賜暫寬等語其江子魁一案又於本月二十四日據該司呈據長沙府驗報犯証衆多屢提未據解齊俯請寬限等語查歐庚安一案已將五月江子魁一案亦將

三月該府任意請寬不知尚欲寬至何時揣該府之意
不過以轉盼卽赴獄山興工則兩案又可托詞沉摑狗
延該府既庇貪於今日諒必縱貪於平時不然而今日
尚欲上下通同豈本都院亦爲庇貪縱貪之首乎又不
然而竟欲一手握定豈長沙止有知府而此外俱爲虛
設乎首府如此無怪新寧一案之埋沒也合行飭查爲
此仰司官吏照牌事理卽將歐庚安江子魁二案迅行
提審於日內詳覆此次行催之後亦斷不再催如延
至長沙府赴獄興工尚未完結卽將原詞呈繳以憑批

奔其陳以儒一案立提轉發承問衙門經承解究併先
將司承姓名報查如再遲違未便

查拿棍徒招搖散

爲嚴拿假冒招搖以杜奸僞事照得本都院叨荷

聖恩謬膺節鉞惟知振綱肅紀還顧世法人情况原籍
江南距楚數千里親族朋友俱諒其窮官棄爲絕物並
無一人來到此地近訪有無藉棍徒冒稱同鄉年家拜
謁地方官說事講情而該地方官亦私相往來不行舉
首殊可痛恨令行嚴飭爲此仰某官吏照文事理卽嚴
查境內凡有指稱本都院同鄉同宗年家親戚潛來地
方干謁撞騙者卽係真正光棍立刻擒拏解轅以憑按

例重處如敢通同徇隱一經發覺定卽糾叅所不輕貸
慎勿姑縱後悔無及

飭查李廣生妄談政務檄

爲飭行嚴查事爲照本都院自四十二年下車以來每逢告期披閱詞情果有大冤大枉無不准理至若田土戶婚鬪毆等細事應係地方有司官經理從無越控濫准之理况湖南健訟刁徒甚多無論理批小忿動輒捏架大題越竇希圖誑准今查閱李廣生詞內不過因蔭補園屏工價小事起見何乃屢次越控擅論政務長篇累牘聞之不勝駭異且查詞首開載華容縣籍遷寓岳州府南門內而詞內又稱原籍沔陽寓華丁糧四代華

止寓居華不容考等語卽此所開籍貫不一則係刁徒
健訟可知合行飭查爲此仰巴陵縣官吏照文事理卽
查李廣生原籍實係何府州縣所轄果否現任岳郡城
內旣係襍褻生理因何橫議妄談至詞稱無論大小虛
實情詞槩行准理併批飭各屬當管不當管衙門剖決
及批彼地名宦鄉耆處分是何情弊其原詞係何人寫
做何人主使明白詳覆以憑核奪毋得遲違

禁司道府縣濫差檄

爲嚴禁濫差以杜擾累事查定例內開督撫以下道府以上官員凡叛逆軍需驛遞公文等緊要重大事情照例差人外其餘止許行牌催提如違例差遣者督撫指名題叅議處如督撫徇情不叅或科道題叅或部內查出將督撫一併議處如督撫平常小事差役害民者或科道糾叅或部內查出交與該部議處等因遵行在案乃衙門蠹役耽耽擇食囑通經承賄買差票經承受其賄囑朦朧稟官一應號件或錢糧或詞訟事事差

催椿椿守提此輩差票到手便爲奇貨呼羣引類駕船
乘馬一到地方要歇寓要供應要盤纏要謝儀稍不滿
慾則借題挾制凌虐屬官捉鎖經承必磨飽而後止雖
曰公務實則營私雖曰官差竟同克暴下屬礙於上司
只得吞聲忍氣甚至一差未去一差又來初催之差甫
到違限之差又至往來如織威賤日張儼如上司親臨
誰敢不爲承奉司道差役到府則諸費派之州縣府差
役到州縣則州縣派之經承經承又派之里下昔人謂
驅數百虎狼於民間又謂吊上一點硃民間一點血者

誠可痛也除密行訪拿外合行嚴飭爲此票仰該司道
州縣官吏照文事理卽將現差各役盡數撤回恪遵定
例俱用紙票催提三催之後許用本籤提比經承如遇
緊要重大事情或下屬疲玩不遵必須差催者卽遵謹
慎小心之役嚴立限期責令回銷不得無故逗畱恣意
需索仍一面將催提事件差役姓名回銷限期報明本
都院以憑查考如有故違一經察出卽行照例題參
決不姑貸其上同差役到府州縣該府州縣卽刻具文
交付來役依限回銷仍一面報明本都院銷號倘有大

膳差役仍前不法亦卽於文內報明聽候拿究至於該
州縣一切錢糧詞訟俱不得違例濫差擾累小民致干
叅處一併嚴加通飭各取遵依報查毋違

飭藩司差役不遵報查檄

爲嚴禁濫差以杜擾累事照得湖南積習大小各衙門無論平常小事動輒差役害民是以本都院遵照定例檄行所屬如遇緊要重大事情下屬疲玩不遵必須差催者嚴立限期責令回銷仍一面將差提事件差役姓名回銷限期報明本都院其上司差役到府州縣該府州縣卽刻具文交付來役依限回銷仍一面報明本都院銷號等因通行在案惟查該司衙門並未據報差遣一役而各府屬亦未據報有該司之差役到彼此誠

該司慎差杜累之善政也。但本都院前自常德回署途
遇該司差役婁珊謝三錫俱執票往衡辰二府守提號
件而該司經承竟不遵照前檄報明本都院查考是何
緣故。至婁珊一役醉飲乘騎竟無知識。雖與之語亦茫
然不解。似此差役豈能催辦公事。本都院目擊如此。則
下屬之受其作踐者不知如何矣。除行衡辰二府確查
外合行飭查爲此仰司官吏照文事理卽查婁珊謝三
錫差往衡辰守提號件因何不報明本都院查考併將
不法之婁珊貴革以儆玩役卽具文報查毋違

飭查禁獄檄

爲清查禁獄以恤冤濫事照得囹圄重地民命攸關若非重大事情自應押帶或行保候何得一槩濫禁致滋苦累今查該府縣監倉所收人犯漫無稽察其中不無濫及無辜且幽囚既久獄食維艱而禁卒之凌虐差承之需索更有苦不堪言者人間地獄豈容膜視合行查造爲此仰府縣官吏照文事理卽置立循環簿各二本用印鈐蓋將該府縣監倉內人犯逐名開註某係奉何衙門某日發禁候審或自理事件將所犯情罪事由逐

一登填併筭明舊管新收開除實在各若干名作一總
結每日輪送一簿於晚鼓時該府縣着司獄官典史資
交轅門號吏投進以憑查閱次日晚鼓赴領如號吏捎
勒即時稟究本都院仍不時點閫倘有隱匿遺漏情弊
一經察出定將印官以淹禁叅處決不姑貸

飭查監獄淹禁檄

爲清查監獄事照得囹圄重地民命攸關非情罪重大
聽候審勘不得監行監禁卽真正重犯亦宜曲加軫恤
况值此凍餒交迫有傷生命殊干嚴例合亟飭查爲此
仰按察司官吏照文事理卽查各監內如解到人犯速
卽審明招解其已經訊結者立卽發回毋得濫禁無辜
久行淹滯併通飭所屬各府州縣印官親詣監內逐一
查核務須捐給飯粥棉襖草薦無使饑寒就斃遇有疾
病卽撥良醫調治仍嚴飭獄卒不許凌虐需索應審結

者卽速審結應釋放者卽行釋放如有故違一經查出
官叅役處斷不姑貸慎切慎切

嚴飭命盜重案依限審解檄

爲嚴飭重案依限解審以慎刑獄事照得命盜二案各
有定期該司自應遵照於定限內審擬解院卽不狀亦
須於限滿之日審解庶得從容研究查核情罪以憑具
題今每閱各屬所報命案有該州縣遲至限期將屆起
解者亦有已經審擬轉解到司久不審解者但命盜二
案俱關犯人死生若解院已經逾限方恐限期有違而
繕寫本章又非頃刻可辦一有草率干係匪輕合行嚴
飭嗣後命盜案件該州縣府審擬轉解到司該司卽於

限內審解或遲至滿限本都院亦可於逾限內查審核
題如該州縣府不行依限審解於限滿之日即將承審
遲延職名詳請核叅若人犯已經審擬該司不於限內
審轉及至逾限始行解訊除將解到人犯不准審訊發
回外定將該司職名徑行指叅毋得玩視愼切愼切

飭查糧道家人梁二畧賣極

爲嚴查惡棍以靖地方以遵功令事照得本都院原籍江南常州府武進縣有本縣東門外桃園上住居之梁二久投官僕拿貲潛來家橫異於尋常舉動全無顧忌兼之販賣婦女晝夜笙歌既供枕席之娛遂作逢迎之術陷良家於婢媵飲淚吞聲攫善價而邀遊盡歡極慾凡目擊其情狀咸心駭其克淫狀而究厥根由則倚湖南成道之奴僕苟其與爲理論則碍湖南成道之威靈且揮金布結爪牙遍滿衙門藉勢呼羣拳勇無非戚友

印本都院家居委巷亦止抱憤填膺誠以小人道長非
綿力所可挽回而巨族蒼頭豈空言所能聲討今幸忝
與該道共事一方每念此事輒爲長嘆一則本鄉風俗
之所關一則該道聲名之所係前此縱容不治是該道
之咎也今茲緘默不言是本都院之咎也蓋既與該道
共事視該道家人流毒秦梓而置之膜外恐前之唾罵
於該道者今更唾罵於本都院矣是以謬忘忌諱於莅
任之後卽與該道詳細言之且痛切言之非望該道之
明正厥辜但祈該道之收回原籍使梁二不流殃於武

進本都院亦全薄面於本鄉而該道之鴻庇不淺且該道之令名無窮矣該道非不心慙其言承當其事而半載以來杳無確覆是該道終不欲造福於吾鄉也而吾鄉武進終不免受禍於該道之家奴也卽本都院終不能邀該道之寵施而謝同鄉之非責也該道之爲家奴計則得矣如本都院何如

朝廷定例何如該道官箴何合行飭查爲此牌仰該道官吏照文事理卽查梁二旣係該道家人因何任居武進不行約束迄今售否收回原籍取有收管可查倘以

自治官書

卷五

冊

上相送翁人

天

懷策堂

販賣無憑則對簿自有其人若以收回不可則該道是
何意見速行明白詳覆以憑核題施行

飭查梁允文結黨拒官檄

爲里棍結黨朋謀拒官禁役事爲查該州歷任湖南臨
湘澧州以及桂陽十有餘年未聞有貪黷厲政見諸輿
議况署篆未及一月何得因其清查花戶大拂狼貪遠
爾結黨橫行全無三尺且署篆原由本都院批委而該
縣衿棍擅敢抗違竟以從前挾制之故智欲再肆於今
日豈以

朝廷爲不足畏法律爲不足遵本都院莅任以來於不
肖官吏備極劓懲而於市棍奸民斷難寬假且黃梅一

案亦使共聞茲結黨把截形同化外該道府身任地方
置若罔聞殊爲負職合亟訪拿爲此仰道府官吏照文
事理文到星卽束裝率同衡州府卽隨衡永郴道親赴
該縣將里棍梁允文等按名嚴拿解轅究訊以憑 題
案重處毋得瞻顧遲延併干未便

飭查安化縣民聚衆搶穀檄

爲報明事據長沙府及湘鄉縣各詳報安化縣民數百
餘人執持克器越境至湘潭縣逐戶強搶民間稻穀等
情前來除批兩司飭查嚴禁去後爲照該縣長安豐樂
二鄉上年夏被旱災當經本都院具題錢糧照依被
災分數蠲免併請動倉穀賑濟檄行藩司轉飭該縣遵
照前據該縣文報已經動支倉穀分別大小男婦賑濟
一月在案復經本都院訪聞該縣民人尙多饑饉又值

嚴寒歲暮餬口維艱隨經檄行該縣首先倡捐併勸諭

殷實紳士里民共相捐助銀數量爲賑濟再將常平倉穀酌量人口多寡動支借給俟來年秋收還倉本都院猶恐災民粒食不足又復將銀二百二十五兩五錢檄發臬司轉發益陽縣持帶赴縣協同賑濟在案災民自可存活何至聚衆越搶茲據該府縣各詳報該縣有數百餘人越境強搶稻穀等因非該縣並未實心賑濟卽係無賴棍徒藉口災民妄行搶奪該縣旣不能約束於平時又不能飭禁於今日一任橫行幾同化外則地方安賴有知縣哉爲此牌仰該縣文到立刻親身前往彼

地開誠化導卽行解散毋致越境滋擾星飛具詳通報
核奪如再怙惡不悛卽將長安豐樂二鄉爲首之人擒
拿解轅以憑究處以靖亂源該縣身膺民牧如仍膜視
先將該縣撫綏無術以不職叅處愼速愼速

催姚之禧命案解審遲延檄

爲打灰兒命事查本年七月十一日據該司詳稱曹門
呂等打灰姚之禧等一案雖已叅遲延於三月十七日
准吏部覆應於七月十七日正限已滿請遴委府員就
近代常德府一審定擬緣由查此案已逾限六日本應
卽叅但以承審各官均干嚴例故暫緩待詳豈該司一
任悠忽必致臨期數日始行實到獨不思親審核招繕
寫疏揭豈數日所能辦該司府縣延挾數月之久而欲
本都院於數日內草率具題且繕寫不及必欲本都

院代司府縣受嚴例之處分恐無此理亦無此法今與
該司約此案必於次月初四日解到自初五日至十四
日共十天以便審招繕寫於十五日發本庶可援逾限
不及一月之例如初四日不到卽行徑奏雖續賁亦斷
不收以自蹈違限之咎合行挿羽飛催爲此仰按察司
官吏照文事理細加扣筭時日務將此案星夜催趲限
次月初四日招解行署毋悞審 趲至緊至速慎切慎
切

查緩寧署令按審命案遲延概

爲活活打灰夫命事據該司詳開署緩寧縣事通道縣知縣張嘉麟承審陳懷義踢傷楊林總身灰一案遲延職名請賜核參緣由爲查本年三月內接閱邸抄 聖部議覆江督噶 疏參署江蘇布政司事蘓州府知府陳鵬年等承審常熟縣降調知縣黎龍若虧空一案部覆承審官四個月限滿不結被參後如遇別案有離任等事交與接任官又四個月限滿不結者該督撫以本官到任日期扣限四個月 題參亦止照初參例議

處等因 題覆在案是承審例限俱以本官到任日期
扣算矣今查綏寧縣地屬苗疆命案應照例以八箇月
扣限該縣原任知縣孟星承審四箇月零三日丁憂離
任其接署縣事通道縣知縣張嘉麟止承審三箇月零
二十七日今違詳參是否與例相符合行駁查為此仰
按察司官吏照支事理卽查綏寧縣承審陳懷義一案
應否照依 部議以該署縣接署到任之日起仍照例
扣限八個月方行 題參但本案已經限滿而承審尙
未屆限可否將未經屆限緣由先行具詳請咨存案立

即查明妥議詳奪毋得游移速速

駁譚越萬等命案檄

爲報明父歿事據該司詳解顏斗行等到院據此查該
司詳稱譚越萬先持烏鎗捕禽誤落火鎗上打傷顏尙
箴顏兼夾隨持扞担戳傷譚越萬致命右肋三人傷發
先後畢命兩造兇手旣亡應請免議等語但查閱江西
永新縣據顏淨也詞稱伊弟顏尙箴同族姪顏兼夾遭
洪建甫等火鎗打歿又查該縣訊據顏淨也供譚越萬
手拿一根木篙還有拿木棍的有拿烏鎗的那洪建甫
放烏鎗一鎗打倒尙箴在田裏顏兼夾見打倒尙箴趕

上前去一扞担戳譚越萬在地洪則先見戳倒譚越萬也就放鎗又把顏兼矣打倒了都丟下鳥鎗走了等語則是顏尙箴顏兼矣乃係洪建甫洪則先二人放鎗打死今該司府縣審供看俱稱顏兼矣顏尙箴係譚越萬一人放鎗打死是兩省先後審供大相懸殊且查顏尙箴傷在左脇顏兼矣傷在小腹受傷之處高下不一豈譚越萬一人一鎗乃能高下其手而竟傷兩命耶又查永攸二縣會審賀昭文供譚越萬拿的鳥鎗是洪則先家的顏淨也已將行兇鳥鎗二把繳貯永新縣庫今何

以止解鳥鎗一枝而顏淨也供拿了顏斗明家舊鳥鎗
一根故說兩根殊屬捏情若以顏斗明鳥鎗作爲洪建
甫兇器誣告鎗傷更屬不合再查顏兼矣阮受鎗傷彼
負痛不暇尙能持扞担而戮歟譚越萬乎此案情節甚
明承讞者竟將兩命兇手悉歸已歟之譚越萬而譚士
瑄供伊父六十四歲不會打鳥鎗是該府縣妄以先後
矛盾之供詞草率詳結顯有情弊若不研究實情難成
信案如顏尙箴顏兼矣果係洪建甫洪則先二人放鎗
打歟是真則洪建甫洪則先自應按律擬抵如係譚越

萬一人打死是實則顏淨也應當依律坐誣又律開一事告實免罪者指告一人而言今告洪建甫洪則先各打死一命既係全虛並無一實該府竟行免議不知遵何律法事關命案豈容任意率混合行駁飭爲此仰按察司官吏照文事理即將前項指駁情節吊取顏淨也等到案逐一確審研究實情按律妥擬招解以憑核奪

駁趙世先招詳互異檄

爲打伙夫命事查詳內劉鉉中縣府供稱得銀一兩八錢五分何招首止開一兩八錢又趙應甫縣府供稱得銀四兩四錢茶葉三十斤作銀一兩共五兩四錢與弟婦兩房人分等語今招首止開二兩七錢合算各犯供出瓜分之數共九十六兩七錢五分今縣府司有總數俱少開數二兩七錢五分又查縣審劉鉉中供湊銀貨九十四兩而細數止九十三兩七錢又漏開趙世盛得銀三兩五分府審劉鉉中亦供湊銀貨九十四兩而細

數實共九十六兩七錢五分是縣審劉鉉中口供不惟漏開趙世盛得銀土宗并細數反不足九十四兩府審劉鉉中口供細數雖有九十六兩七錢五分而總數仍只九十四兩種種舛錯殊可詫異至該司招首照依該府縣總數九十四兩而勾減去趙應甫之二兩七錢劉鉉中之五分以湊總數是何意見府縣固屬譌混而該司經承不加查正反任意改換殊爲藐玩合行飭查爲此仰司官吏即將前項情由逐一查算明確詳報仍將藐玩錯混該承解轅查訊施行

飭拿畢教官被竊盜駐檄

為嚴飭查拿事據長沙府儒學畢紹興稟稱十月初二
晚被盜偷竊銀兩衣服等情查得禁城被賊官署失物
繫累明係捕役縱賊分贓肆行無忌合行提究為此仰
善化縣官吏卽查畢教官被竊立責該管捕役勒拿真
盜真贓務獲追起全贓究擬招解如敢捱延卽鎖押該
捕解轅究比該縣亦大千米便

飭開報獲盜起贓檄

為嚴飭事照得盜案關係重辟而獲盜情由必察明捕役何日在於何處地方拿獲何日在於何處地方起贓以憑定案今查各屬招解盜犯止將獲盜到官日期艸率具詳並不將原拿盜犯正身捕役押解以致庭訊之下無從查訊合亟飭行為此仰按察司官吏照文事理卽便轉飭各州縣嗣後遇有盜案務將捕役在於何處地方拿獲某盜何日在於何處地方起獲某贓逐一開明報查并令原拿正身捕役押解赴轅訊奪毋得仍前

滕混致干提究并取具遵依咨報毋違

催捕役熊芳等發遣撤

爲緝捕指盜事據該司呈詳捕役熊芳等誣良詐贓一案招罪緣由隨批熊芳等誣良拷贓供認情真俱依擬永戍等因印發去後又經行催未據詳請咨解明係經承賄攔延挨希圖一交十月卽係隆冬停遣查此案縱役誣良該地方官不法已極官旣免差役又故庇豈良民之性命甚不足惜似此官吏朋比貪奸殊堪痛恨合行嚴提爲此仰司官吏照文事理卽將軍犯熊芳等各犯妻室造冊詳請咨牌通解先將該縣經督此案正身

經承姓名報齊如二十五日未詳定將府縣經承并該
司經承立即杖斃不貸

查船隻奸宄檄

爲嚴查河道船隻以戢奸宄以安民生事照得戢盜安民防範最宜嚴密近來匪類竊發多借船隻藏身如各屬釘造小船或名倒扒子或名吹火筒以及打網釣魚等船無分晝夜任意往來每遇客船輒五七齊幫用鈎挽夾登舟搜檢搶奪貨財或聚黨成羣假裝乞丐潛入村庄徑行剽掠合則夥助爲非散則追尋無踪以致客商屢受其害行旅視爲畏途雖設塘卡漫無盤查擒獲而地方文武各官置若罔聞並不嚴行究察使剽竊無

息民生不安均乖職守合行嚴查爲此仰按察司官更
照文事理卽查前項小船及網魚船隻等類過往塘卡
及灣泊港汊應作何盤詰一有失事作何追擒妥議通
詳以憑核奪務使河道寧謐藏奸無所而盜賊不敢橫
行商民不致裹足毋得泛視速切速切

飭停訟緩徵檄

爲曉諭停訟緩徵以弭天災以甦民困事照得楚民不
造上年旣被水災今歲復遭亢旱此皆人事之弗飭以
致

皇天之降殃本都院拊躬循省痛自刻責見在會商督
院躬率司道有司各官齋戒虔禱冀得祈求感應大沛
甘霖但日前民困已極人心皇皇應行停訟緩徵以示
休息合行通飭凡各衙門承問訟案除立限

欽案與強盜人命逃入事情仍行審理務期寬刑速結

外其餘各項詞訟無論承奉自理一槩停止不許差役
追呼俟雨足之日各經管官造冊呈送原批衙門分別
輕重註銷至於一應里甲錢糧各印官暫行緩徵亦俟
雨足照常催比在百姓各有良心斷不因月下恤民緩
比致將來逋負不完貽累考成也其各體諒予懷慎勿
故違自取罪戾慎之

工政類

飭脩岳陽樓

爲飭委事據岳常道詳前事隨批岳陽樓坐落岳城修復舊規以備

翠華臨眺乃該府縣之責今委平瀝二令協理該府縣自應勉竭蹶催夫早填基址不悞監造速竣厥事乃延今四月樓西新築城基低矮猶未填平不便定礮束手坐視是該府前既有心卑隘今復有意玩墮總以樓在府署西南照式修造恐高峻有碍該府風水所以必

欲悞工其歸不敬而不顧大忝臣職殊可痛恨仰布政
司卽日揮羽飛檄岳同知併巴陵縣嚴督夫役星夜趨
填依限報完仍飭該道親臨查驗如有怠玩立揭候叅
併先提該府大膽工房解轅究訊繳併查所買用木料
磚瓦等項現在拆仰各物逐一查明卽克改建之用豈
可縱任奸胥侵盜虛糜庫帑着落巡檢戴宗聖將用過
若干現在拆下木料磚瓦各項若干逐一查出交明平
蘓二令以充改建之用如有散失隱匿卽責令該縣與
該巡檢分賠事關錢糧毋得玩視須臾

飭司道督率長沙府并附郭之長善二縣相視公所鳩
建

諭旨碑亭并通飭所屬一體建碑立亭已據呈資碑模
墨刻在案但該衛亦有征收屯糧之責自應一體建設
碑亭以垂久遠俾萬民瞻頌永永無極該衛亦不得藉
端派費以滋民累仍具碑模送驗毋違

飭改碑亭檄

爲欽奉

上諭事恭惟我

皇上軫湖南之民疾首革私徵慮正供之維艱特減加
耗本都院欽承

諭旨播告官民建碑立亭萬民瞻頌昨本都院自鎮寧
回至常德府見武陵縣建立

諭旨碑亭乃於城北僻陋去處而規模狹小又非所以
崇

帝德而肅觀瞻也本都院當經面諭該縣另擇通衢處
所建立碑亭兼要恢弘寬敞迄今已逾數月未據文報
合行飭催卽遵照另擇通衢處所建造寬宏

諭旨碑亭仍先行具文報查毋違

飭查 御書樓工費概

爲欽奉

上諭事爲照恭造

御書樓原以昭臣子敬事

君父之忱而動支錢糧俱由俸工捐助則開銷造報必
須件件明白項項着實乃爲確冊可以留之後日而無
疑可以質之千萬人而無愧如木植一項應開明松木
杉木每根長若干圍圓若干價值若干用於某處或
一根全用或作兩用或用去若干餘存若干或又用於

某處其樓板應開明長寬若干丈今用板若干塊屋椽
應開明原需用若干根今用木若干意橋應開明某扇
長寬若干用木若干鋸匠應開明某項用鋸若干工又
如磚瓦方塊條磚頂下應開明每塊每口長寬厚各若
干正脊大龍浪裡梅花等項應開明高矮長短每個用
銀若干龍門一座或用木料或用磚瓦亦須開明至於
石條應開明寬若干厚若干長若干石柱長若干斷圓
若干白玉石與雲黃石應開明長若干寬若干每塊用
銀若干在於何地買備運費若干石礮開明高若干闊

因若干桐油芋藤等項應開明在於某處用過若干某處用過若干鐵觔項下應開明用過大釘若干小釘若干每千重若干觔每斤價銀若干共銀若干熟條鐵觔鐵成器熟鐵與成器熟條鐵應開明在於何處使用因何又開熟鐵又有成器條鐵熟鐵作何分別今查冊內種種模糊全無明晰但所用工料無可查考者固毋庸置議至於以上各項有目共見豈容草率了事彼乞銷者受不白之名且如赤色飛金市價每箱不過一兩今冊多開一錢共多銀二十二兩以此推之他可知矣况

各項木料磚塊豈無餘存卽在水簾洞建造茶亭亦應
開明用過磚木若干何得竟以茶亭盡行抹煞又如裝
木買過黃簋楠竹松板條篋簋棕索棕繩及竹槓竹篩
上樑棕片轆轤與夫木桶木夯灰篩土箕破篋竹瓦盆
粗碗缸碾船等項現存何處豈容置之不問再如三月
十八以後不過油漆彩畫圍牆等項夫匠有限而端午
節賞何至費錢十一千五百文令行飭查爲此仰布政
司官吏照文事理卽行長沙府遵照前開款項逐一查
明據寔造冊資事如該府鄒廬家人該云不知則當日

原議委長沙府知府並未交該府家人該司速卽嚴查
核轉毋任再行朦混致干未便

飭查南巡等案動項撥

爲查催速核以杜假冒以清帑項事據該司約造

南巡南嶽軍供三案動項應抵應捐數目冊前來查冊
內既將三案動項總算核補則一清俱清自應將經手
各官勒限銷給以完應抵應捐之數若任其諉卸優游
則侵蝕浮冒之員日扶一日斷無完結之期約計應捐
補庫爲數無幾而各局急公者仍遵上年捐耗五分之
議不免苦累多捐卽於將來通算畢竟目前不合如岳
州府既將應捐耗銀六千一百七十餘兩儘數支用又

頃過司庫銀三千五百兩是該府一官經手已有九千七百七十餘兩而至今並無一字報銷不知是何意見又常德府支用銀一千二百九十餘兩衡山縣動支該縣耗銀并撥各縣共耗銀二千九百餘兩何以至今亦未報銷內如料豆等項應否令其入貯亦未議及查常岳二知府現在此地何難立督經承核造即衡山縣已經離任亦應調赴長沙核銷明白聽赴調任至於各處動用俱應一併清查未可任其延混今該司絕不上緊嚴催惟慮庫項之未補而責各屬之先扣但應補尚無

定數則應捐何處濫派合行飛飭卽速嚴催岳宮二府
併訓衡山縣勒限造冊報銷及各處動用俱一併查明
務算三案借帑若干有抵若干應補若干除俸工若干
再派定各屬捐耗之數自能庫項無缺其目前捐耗分
數既難懸定相應暫行停止俟核定分數詳明通飭仍
按解過銀兩照數勒完有餘者准其抵算不足者卽令
總補決無抗解之屬員決無虧欠之庫項文到卽通行
各屬并嚴催速結毋得瞻顧遲延自貽懸帑太干未便
慎速慎速

催桂陽縣抗解捐項檄

爲詳明議捐事爲照桂陽縣明知題明奉

旨捐修嶽廟銀兩乃敢恣意侵欺不獨四十餘年盡行
抗欠而且四十三年尚分厘無解似此違悞嶽工大干
不敬該縣不惟不可作令併不可爲臣不知該縣何所
恃而敢於大膽如此又不知該司何所庇而任其違悞
至此文到卽取該縣不敬職名速報嚴叅如有徇延恐
該司亦干米便速切速切

禁大湊山偷挖橄

爲嚴禁奸頑偷挖以遵

功令事爲照楚南各屬一切銅鉛殘礦久奉

俞旨嚴禁無許偷挖淘洗乃桂陽州太婆山有不法棍

徒妄生覬覦私行偷挖兼之地方不肖官弁設立月規

季規分肥婪賍而且賄通上下衙門結成一片朦蔽營

私上年據州民詞控業經本都院審明特疏嚴恭是偷

挖干犯禁令何得復蹈法網乃問官徇庇巧爲出脫奸

棍胆橫無忌官囊盈狂地方受害法紀全弛深可

痛恨除一面另行恭錄
合行嚴飭嗣後如敢以身試
法採取自由本都院定將黨惡之員嚴行恭處仍將偷
挖奸棍立拿杖斃法在必行斷不輕貸冀切凜切